

鼇

峰

集

整龍峰集卷之七

閩郡徐勣興公著

七言古詩

帝京篇

皇家宮闕紅雲裏
複道層甍稱逶迤
帶鴈山河形勢雄
烟花錦繡多佳麗
御爐香氣透瑤宮
長樂殿前鳴曉鐘
三衢九陌祥光繞
萬戶千門瑞氣濃
瑞氣祥光浮萬象
鳳掖鸞墀環珮響
煥爛晴霞散玉階
瞳眬旭日升金掌
積雪輕烟帶曙

輝萬條垂柳影依微西園廣布鴛鴦幔北里齊
開翡翠幃西園北里連東院朝元閣達光明殿
內監三千試舞衣嬌娃二八調歌扇舞衣歌扇
立瓊軒一曲霓裳待至尊脂粉鉛華期怙寵明
眸皓齒待承恩六宮怙寵承恩澤臂上輕紅消
蜥蜴玉指調絃曉達昏金針刺繡宵爲日五侯
七貴何紛紛甲第朱門高人雲吳歌楚舞年年
樂簫鼓笙竿夜夜聞九天日射紅雲采書省金
扉接青鎖絲綸璀璨燭二云日劍履尊嚴歸八座

八座尊嚴更九卿鳴珂珮玉兩班行雕梁碧瓦
雙龍闕金市銅街五鳳城鳳城龍闕高無極翰
苑文章亘天日終王屈宋輒衙官楊馬鄒枚常
避席上苑黃鸝啼杏花春風三月綺如霞錦衣
綠綬青雲客玉勒銀鞍白鼻騮羽林年少風流
者蹴踘樗蒲縱游冶朝出韓鷹紫陌中暮歸刷
馬紅樓下紅樓百萬大隄娼娟娟綉縠雙明璫
蟬髻妖嬈雲共薄孤鸞皎潔月同光妖嬈皎潔
何須羨行雨行雲拂羅薦銀燭光中啟合歡瑤

箏聲裏開華宴乘醉酣歌夜未闌羅縐繡帶怯
春寒帳下新詞金縷曲筵間珍味水晶盤筵間
帳下紛羅綺月下風前闌嬌美兩兩鸞皇翼並
棲雙雙菡萏枝連理兩兩雙雙樂若何歡娛調
笑意偏多柘枝翹袖爲君舞遏雲振木爲君歌
歌舞爲君歡不足猶買嬌嗔貯金屋十千美酒
醉新豐三斛明珠換歌曲滿眼繁華空復情金
張許史意縱橫可憐羈客思田里愁聽行人說
帝京帝京往事那堪數立馬燕山更懷古軒轅

昔日有高臺，鄒衍當年此吹臺。荆軻市上別燕
丹，俠氣憑陵髮指冠。哀笳悲歌聲寂冥，西風易
水至今寒。古往今來祇如此，哽咽躊躇不能語。
草野無言達聖聰，布衣何計朝天子。燕昭臺
上暮雲浮，燕昭臺下水空流。黃金駿骨誰能市，
落魄人間空自愁。

搗衣篇

錦屏翠幙綠羅幃，玉露淒清更漏稀。明月娟娟
照閨閣，涼風夜夜搗寒衣。天寒塞外冰霜惡，寒

氣侵人入羅幙戍婦方敲礎杵鳴征夫正怯戎
衣薄戍婦征夫一樣愁朝朝暮暮淚雙交流思飄
沙漠無窮路聲動關河不盡秋更殘漏盡無休
息爲念衣單搗尤急但願母令馬上寒何辭費
盡閨中力流螢點點入窓紗星手離離月欲斜
獨揭流蘇眠未得夢魂飛不到龍沙龍沙路阻
傷心絕兩地難禁此長別數載慵窺粧鏡臺十
年未解同心結囑付行人莫寄遲一年一度一
番悲只愁寄入邊城裏生死存亡不可知

聽鶯曲

九仙臺下春光早楊花開遍東風掃忽報枝頭
嚶曙鶯相求相喚聽偏好一日啼將幾萬聲綿
蠻覘睨若爲情七絃秦女銀箏響半部孫登鼓
吹鳴鼓吹銀箏聽不了一聲叫破千家曉雲外
流商更激揚風前刻羽尤縹緲刻羽流商韻太
長依稀隔水奏笙簧驚迴少婦閨中夢攪斷羈
人客裏腸羈人少婦愁難訴何事嚶嚶鳴不住
春色長于舌上殘韶華都在聲中度感此流鶯

黯黯自傷人生能得幾春光何如載酒尋花陌長
日流鶯過柳塘

行路難

君不見見孟嘗君三千珠履何紛紛一朝失勢晨
星散眼前物態如浮雲又不見石氏子珊瑚步
障爭奢靡二斛明珠換美人樓頭一墜蛾眉死
珠履紅裙事事非一季一歲疾如飛朱門豈可
驕蓬戶青紫安能笑布衣行路難愁不樂人心
變態那能覺杯酒相逢肝膽傾明朝相對如山

嶽世事悠悠何足論
淮陰日日過王孫
無人一飯如漂母
縱有千金莫報恩
行路難氣鳴咽
天地由來亦消歇
昔日朱顏雙髻青
今朝兩耳垂黃髮
惆悵風塵空復情
迴思往古實堪驚
何當採得金鵝蕊
日日燒丹學養生

代閨人答輕薄少年

妾本鸞鳳姿
生小在閨閣
豈意容華輒誤身
嫁得郎君故
輕薄關弓勒馬出
長安錦障絲鞭玉作鞍
千錢一醉新豐市
射鳥落盡黃金丸
相望

迢迢隔河漢 枕邊空嘆韶光換 雁素魚書久未
通 深閨夜夜柔腸斷 願盼東園桃李花 條然風
起落誰家少年 輕薄有如此 清淚潺湲濕絳紗

古戰場

猛將提戈朝出師 陰風漠漠揚旌麾 連天殺氣
衝關塞 愁絕沙場征戍兒 陰山十月愁雲黑 鬢
染繁霜絲盡白 一時軍敗其奔騰 六郡良家虎
兵革觸體如雪積 成丘戰血腥臊作水流 千年
怨魄棲何處 長伴黃昏泣素秋 家家戍婦搗衣

往萬里無人色悽愴夜深剪紙哭招魂多少游
鱗出林莽

見月長相思

見月長相思相思恨無已皓魄當空白似霜空
階入夜涼如水徙倚危樓倍憶君離懷千結總
殷勤孤城畫角那堪聽四壁鳴蟲不忍聞鴈蟲
畫角兩悽切往往令人愁欲絕几上殘燈滅又
明枝頭杜宇啼還歇潦倒相思深復深天河斜
墜漏聲沉誰人得解相思苦偃卧寒窓淚滿衾

題畫山水贈別陳二孝廉

空山秋意動萬壑生微寒峰頭幾片雲來去叢
林端林端百丈虹橋駕練瀑潺湲半空瀉天末
涼風颯颯吹簷前黃葉紛紛下疊嶂層巒勢插
天蒼苔古道接寒烟遠鐘縵縹緲寧知寺老樹參
差不記年陳生雅尚耽名畫收藏不惜千金價
披圖烟雨莽紛飛展卷風雷驚變化與我相逢
如故知忽然索我無聲詩千重雲水憑毫素積
翠蒼青只片時聞君明發分携去未識何時與

君遇貧交無可送將歸一片愁心挂雲樹

贈胡畫史時驥

錢塘江上有狂客八九胸中吞夢澤足遍雲天
二十年名山到處携孤策袖裏霜毫僅一枝真
山真水縱紛披興來一飲能數斗醉後常稱老
畫師飄然作客榕城裏看盡閩中好山水武夷
溪口乞丹砂赤鯉湖頭採瓊蕊盡與我相逢開素
顏解衣盤礴多餘閒萍蹤他日各南北好寄相
思水墨間

賦得蜀道難送王震甫同姪孔振入蜀省

刺史兄

吾聞山川奇絕稱蜀都盤叢之路何崎嶇懸崖
峭壁百萬狀過客無不長嗟吁七盤峻嶺千重
棧三峽奔流九折坂半夜鴉啼別淚滋一聲猿
嘯人腸斷大江渺渺過平羌山登巖巖更蒼蒼
行人足跡所不到妖魑野魅爭趨蹌蜀道之難
已如此嗟君此別摧肝腸君今去作臨邛客到
處探奇經古蹟丞相祠堂不可尋子雲舊宅處

陳迹卓女爐頭安在哉
襄王雲雨只空臺
行藏好向君平卜
詞賦誰當太白才
跋涉風塵休憚遠
蒙山高頂茶香煖
君家大陸正看雲
况復茲行同小阮
把酒臨岐日欲殘
馬頭西望劍光寒
天涯骨肉能相聚
不必噉吁蜀道難

破鏡行爲陳子卿賦

匣中古鏡精光滿
剖贈情人腸欲斷
一朶菱花兩地分
雙飛彩鳳俄分伴
影如缺月閉寒陰
一片還能照兩心
此心自保不離異
只恐寒華難

春山
久恃開奩長抱樂昌悲難買他年再合時

送人遊燕

春深殘絮飛如雪
林杪殘聲聽題鴉
把酒江頭送遠人
斜陽影裏難爲別
此去遙遙路八千
孤身依劍入幽燕
荆軻已死燕丹滅
惟有易水流濺濺
莫道相知今已寡
此行正過金臺下
駿骨難售休嘆嗟
昭王定購千金價
市上行歌酒半醺
中原俠客多如雲
往事淒涼那足問
千年但憶樂將軍

關門曉發懷家兄弟

空山黃葉秋風掃客子乘秋登遠道古戍烟濃
馬過寒關門月曉雞啼早萬木蕭森氣漸涼滿
天商意薄衣裳迴思共被看雲日留滯他鄉益
斷腸

玉山道中寄懷少女

少年詞客如雲起王郎氣味同蘭芷朝夕相從
情太深何期一旦違千里三楚風高秋漸分馬
頭落葉紫登此聞他鄉笑語誰知已遙夜夢魂惟

對君何事長爲遠遊客書劍飄零歸未得一任
黃金索裏虛誰知壯士無顏色今去山川尚不
休此心空動別離愁故園雪後梅花發遲我衝
寒並臂遊

聽笛歌

秋風颯颯翻蘆花蘆花外何人弄長蘆幾迴嘹唳
徹雲霄吹出滄溟月華白初聞徵羽鳴鳴鳴燕
山擊筑齊門竿再聞宮商何慘切鳳臺簫管湘
雲徵羽宮商不肯休梅花楊柳更悠悠征夫

塞上腸空斷戍婦閨中淚暗流閨中塞上苦如
此我也聞之心欲死憶遠魂銷轉調中思親夢
斷餘音裏風露悽悽月倍明異鄉孤客總傷情
幾時返棹歸山去任爾江頭長短聲

題顧學憲諧賞園

昔年捧讀名園記佳境惟憑夢魂至今日吳江
結勝遊添倒應尋此中醉北海真登元禮牀仲
宣翻遇蔡中郎一區玄宅如楊子數畝林塘比
辟疆主人宦情澹若水拋却高官同敝屣莫訝

爲園城郭中寧知大隱居朝市身著斑衣勝錦
衣高樓歲歲娛春暉雲蘿雪竇斜侵榻翠幙朱
闌深掩扉堂前寂歷無所有青峰一點來虛牖
瓢笠鋤竿足自娛尊壘琴劍堪爲友巍巍傑閣
瞰叢林粉堞雕甍映帶深有時颯沓風雨響條
然四座聞清音轉入林水翳然處枕流亭上堪
箕踞鳥獸禽魚慣可親華林濠濮那能數古洞
陰深棲白雲群峰衆壑生氤氲峭壁澄潭殊險
絕巖巖敗葉何繽紛水邊臺榭塵凡隔捲簾當

受青葱色千載桐枝已長孫萬年松幹俱成石
芬芳異卉雜奇花春夏之交綺似霞偶爾扶筇
過棚下依稀如入七香車淨因菴裏人過少跌
坐團焦忘昏曉但得澄心照蘊空何須削髮除
煩惱密竹修篁綠映檐遙遙野店見青帘客來
酤酪還宜貰相對酣歌月滿髯茲園不盡清幽
趣天台勝槩桃源路青草多于池裏生板輿日
在花間御雞犬桑麻晝閉閑願君長此好追攀
古人秉燭良有以世上浮名總是閒

題陳伯孺兄弟幽居

六六清谿一茅舍
烟霞常宿茅簷下
林梢新月照松筠
浦口殘陽隱桑柘
雞犬深山如避秦
不將名姓混紅塵
漁郎去後人蹤滅
流水桃花春復春

楊花曲

暖烟晴日董羅幃
閉門愁見楊花飛
陌頭遊子傷春色
路上行人歸未歸
空閨不惜年光暮
應惜佳期暗中度
樓外朝朝望綠烟
簾前日日愁

蒼霧夜夜朝朝總斷腸
滿天殘絮逐風狂
柔枝嫩色那堪愛
短葉長條盡可傷
楊花歷亂元無數
不識飄零何處去
東風若送到天涯
妾魂願掛垂楊樹

古別離

銀絲繫在青絲綆
一朝絲斷沉金井
豐城寶劍光有神
一朝飛失延平津
銀瓶寶劍不相顧
君今此別何時遇
縱欲沙場一夢君
夢君夢魂那識沙場路
拚袂牽衣重
死心嗟爲君
臨鏡洗鉛華
勸君

此別休太夕寂寞高樓難獨守

征夫鞍馬去太速愁緒如絲繁馬足回頭忽聽
車磷磷妾身不及車邊塵贈君三尺紅羅巾解
從妾體纏君身淚痕濕透無光彩不似從前顏
色新門前辛苦與君別轉眼西風又蕭瑟恐君
路遠衣裳單又向客間事刀尺

廢居嘆

蕭條門巷無人掃寂寞閑庭長芳草古井寒蟬
泣慘淒空梁更有烏夜啼昔日繁華入珠履今

日經行躡荆杞後園試看草莽池一夕秋風花盡死

俠客行

長安豪客命如葉一死應同斬且離別手中白刃
凜秋霜數載報仇鋒盡折偶逢邯鄲年少郎千
錢買酒醉壚傍片言相合醉知己刎頭皮面尋
常爾

寄衣曲

度京古壁生蟲聲亂起視明河夜將旦一颯颯商飈

入綺窗偏能吹我離魂斷密縫征客寒衣裳一
針一線迴肝腸寒衣寄到猶沾濕是妾當時淚
痕滴

七夕詞

河邊欲赴佳期約雲錦支機暫拋却未飲瓊漿
玳瑁筵先已迴尊前烏鵲相逢初叙去年情臨
別還期隔歲盟兩情相款洽不能盡回首東方生
啟明

鏡聽詞

夫婿遠行歸未卜粧臺懶上施膏沐明鏡多年
不復窺塵土相侵雙鳳沒焚香拂拭明鏡光夜
深懷袖出中堂忽聞好語頻入耳欲解未解心
倉惶他人言語雖自好何如夫婿歸期早望斷
天涯未可知每看明鏡雙淚垂

妾薄命

古劍不終分明月無長缺君心一以變千古未
訣絕爲君奏新絃宮商不如前爲君理新繡針
指不如舊滄波去去無還期君心回悟能幾時

浣衣曲

嬌姬二八江干立
琉璃冷浸紅裙濕
偷迴銀海射滄波
占斷一痕秋水碧
輕烟皺縠澹還疑
回頭悲爲情郎知
月來送得潮痕滿
却畏微寒傷玉腕
歸家誓不出蘭房
愁和水面雙鴛鴦

姑蘇臺歌

高臺突兀中天起
碧瓦朱甍誇壯麗
梯環九曲路千盤
一目能窮三百里
臺中朝夕唱吳歌
宛轉柔聲歛態多
後宮綠袖調絲管
小隊紅妝嬌

綺羅紅粧妖冶織要舞一道香風吹繡戶倚檻
回瞻射鹿臺擎天遠見盤龍柱歲歲年年樂未
休洞庭烟水太湖秋千騎影中看茂苑百花香
裏望長洲葦羅少婦傾城色水殿沉酣夜爲日
醉卧流蘇白玉牀千呼不起嬌無力君王日日
上高臺簫鼓笙竿沸若雷吳女承恩期怙寵越
兵挑戰渡江來干戈羽騎東門進心圖恢復扶
椒戰玉卮瑤階烈焰焚九歲經營一時盡及土
王封忽棄捐含羞不願再東還自拚性命千將

下幙目應慚見伍員只今故址斜陽暮輦路荒
涼走狐兔花落花開紅粉消春來春去香魂度
闔閭城上夜啼烏響屨廊中長綠蕪霸業千年
消歇盡空餘明月照姑蘇

大王峰觀仙蛻

武夷山高高接天武夷溪清清且鮮三十六峰
九曲水魏王曾此朝群仙大宴曾孫羅彩屋奏
罷人間可哀曲鳳管龍簫杳不聞浮生一夢成
蕉鹿大王峰勢何巋哉丹梯百折通崔嵬仙人

一去不復返蛻骨千年猶未灰區區遺蛻成何
用密閉虛巖秘深洞滄海桑田忽變更玉函金
掛應移動惟有當年身外身金丹一粒能千春
長生自古無靈藥不死元來有谷神吾生本是
朝元客暫謫塵緣迷火宅白雪時時洒玉樓丹
霞夜夜流金液借假修真煉九還更從一竅覓
玄關返將神氣虛無裏拋却骷髏天地間君不
見海上三山高拱峙爭傳此地鍾奇詭徐福尋
真去不歸方知不在神山裏又不見西方王母

下瑤池青鳥傳書絳節隨集靈臺上無消息始
信真個非在茲世人莫嘆仙凡隔凡人皆可登
仙籍勿點朱砂與水銀休行運氣兼調息廻望
山川故宛然更期此處上昇天一朝粉碎虛空
後未作蓬壺不老仙

北邙行

洛陽城北多丘墓夜雨蕭蕭白楊樹新墳古塚
爭嵯峨白骨累累總無數地下多於地上人喪
車來往聲聲轉素旗影滅輓歌散長夜豈能應

再晨誰家翁仲眠烟霧龜趺半折碑傾仆年深
祭掃無子孫紙錢不到黃泉路滿城車騎何匆
匆誰能免到此山中螻蟻強半鳥鳶半更有野
狐巢殯宮欲知富貴成何事請君出門看此地
此地迴看心膽寒不歸此地應不難君不見神
仙玉檢藏遺蛻不用金槌葬玉棺

賊得麻姑山送藍任夫之建武

君不見古仙道得王方平龍車鶴馭遊蓬瀛朝
出三山暮八極橫吹鳳管調鸞笙風雲變幻不

可測下降曾過蔡經宅麟脯千刀切玉盤松醪
百斛流金液方平有妹稱麻姑羽衣霞帔紅羅
襦雲軒頃刻杳然至黍米擲地皆真珠三見桑
田成海水淺深總爲揚塵起險異由來事太奇
豈無勝地留遺址建武城西山接天周廻百里
高連綿幽巖怪洞多顯跡麻姑此地曾昇仙仙
壇仙龜依然在遊客空傷年代改白鹿青虬尚
可乘玉芝瑤草還堪采藍生野性愛清幽裹糧
躡屩登高丘笑將宗炳披圖卧欲學盧敖策杖

游攀躋到處神超越囊裏詩成皆白雪
決臂逢看彭蠡雲根衣近拂匡廬月
憐我求仙類伯陽丹爐長結中黃房
願君歸得麻姑信授我龍宮不死方

月夜聞錢叔達吹洞簫

青天無際露華滿明月窺簾入虛館
天籟聲沉夜色涼幽人忽弄昭華琯
宮商疊奏聲淒清宛轉真含萬古情
秋風心緯空階語未夜寒蟬高樹鳴
再聞引徵變流羽江神擊鼓馮夷舞
湘靈

水面瑟初停發婦舟中泣如雨月轉危闌調轉
深寒潭驚起蛟龍吟參差按作梅花調長短翻
爲楊柳音長短參差還斷續響遏柯亭半枝竹
九成原象有虞韶三弄借將桓子曲曲終嘹唳
徹雲霄餘音不絕心魂銷依稀長信三千隊仿
彷彿揚廿四橋盈盈少女紅樓住時把湘筠暗
中度願君莫引鳳凰來恐作雙飛人易妬

李夫人歌

梨花素月流寒影梧葉陰風綰帳冷延年歌罷

怨何如燈燭輝煌愁夜未真酒杯開泉臺魂與
魄來未來落葉滿地蟬聲哀

化劍閣

君不見吳宮歐冶真良工鑄出寶劍成雌雄鵲
膏陰土經百煉紅光紫焰凌蒼穹何期世事多
參錯豐獄埋光長寂寞黃土年深暗轉轡青苔
歲久銷鋒鏑神物由來不久湮中宵寶氣冲星
辰張公驚怪雷公叱一朝佩過延平津津頭條
忽心風雷至化作雙龍潭底騰錯鏤金環明月沉

蓮花玉匣琉璃碎至今人劍總凋殘猶見鱗鬣
兩屈蟠五花霜外星文動一片精靈白日寒我
本漂零游俠子匣中每恐龍魂死恩仇未報壯
心灰長使英雄淚如水何當借此兩芙蓉平盡
人間不平事起舞長歌髮指冠一聲震動悲風
起

分得荆軻市送屠田叔使君之京

燕山戢戢勢雄峙山下嗚嗚流易水貫日長虹
白氣昏千年尚說荆軻市荆軻市上別燕丹怒

髮蕭蕭上指冠日暮驅車登祖道西風吹起筑
聲寒擊筑頻酬燕市酒相看泣下同攜手將軍
一命等鴻毛壯士千金求匕首欲別翻爲變徵
歌黃雲慘淡陰風多衣冠變白過平谷頸血流
紅出玉河舞陽同載咸陽出俠氣感天天雨粟
殿前倚柱笑不休豈是生平疎劍術此地猶傳
刺客名古碑磨滅苔花青樵蘇半上燕王塚野
火燒殘督亢亭使君乘傳從茲去策馬幽州城
下路趨朝曉起綴鷄鸞懷古秋深感狐兔幽并

自古多壯夫不知還有荆軻無俠遊市上酣歌
日曾憶當年舊酒徒

鄴都引

鼎圖去盡英雄死故都空對漳河水墓田無主
古城荒慘淡斜陽照殘壘文石遺宮鳥雀悲飛
雲古殿黍離離西園明月依然在不見詞人作
賦時銅雀臺傾鴛瓦碎蛾眉無復喧歌吹玉座
空傳遺令開繡帷不滴分香淚君不見蜀國山
河豈屬劉吳天宮豈花草翳荒丘悲風夜吼西陵樹

千古淒涼一樣秋

題惟和兄百花綃帳歌

主人斗帳新縫剪十幅輕盈罩冰繭丹青貌得
四時花百朵千葩紛點染畫師筆底施春工牡
丹襯出羅瑜紅海棠睡足杏花雨辛夷舞散荼
蘼風麗春玫瑰樓枝弱十二重樓開芳藥寶鼎
煖薰鉛粉銷玉鈎半控胭脂落炎飈漸暖梳窓
南榴火燒雪色正酣白面大郎嬌對客綠衣百
子關宜男芙蓉掩映含秋景月照扶疎金粟影

水仙欲吐凡骨清楊妃初醉幽香冷羅衾寒掩
五更鐘又對梅花冰雪容環姿綈袂宛相伴仿
彿姑射仙人逢漏盡銀缸殘燄滅遽然一夢成
蝴蝶翩翩飛繞葉中花栩栩棲將花底葉流蘇
百結剩輝光魂去魂來徹夜香曉起西堂新得
句芊芊春草滿池塘

綠珠詩

鳳凰釵股蛟龍佩蘭麝氤氲散香靄腰支一束
舞明君眉彩雙痕低粉黛主家金谷在河陽朱

門戚里紛相當羅幃綺帳咽絲竹幽房曲榭塗
椒香步障連開五十里錦光奪却王家紫昭華
玉管弄參差吹落梅魂嬌不起清歌惱懊遶梁
塵月燕珊瑚枝上新數百侍兒誰第一芳名先
動趙王倫涼臺縹緲清流潔翠掌清尊歡未歇
收兵忽至如雲屯掩面辭君悲訣絕樓上翻身
冰骨灰玻瓈折斷蕙蘭摧妖血涓涓化空碧香
魂片片隨飛埃明珠三斛拋難顧樓影荒涼烟
雨暮千載精靈不可尋秋郊絡緯啼宵露

青樓曲

後視蕤縠薰濃烟空簇響盡調鵲弦此系臨驕蹄
踐香霧轡頭瑩掛珊瑚鞭畫樓朱箔籠輕曙搖
蕩柔情逐飄絮雙眸凝射路傍兒腸斷雙鶯隔
窓去

照水曲

百花露重吹裙濕繡屐踏香無氣力淺碧銀塘
映玉顏寒波漾褪胭脂色東風結束太天和金
翠貼鵝黃印鵝分明一片青銅影照出芙蓉濃

艷花

迎風曲

東風力軟翻蛾翠環珮暗聞梧拂地輕揭羅襦
紅汗乾胸前傳出宜男氣雙鉤小玉蹴香塵宛
轉如迴掌上身貼髻步搖偷失墜明朝重喚賣
花人

鬪草曲

明妝曉離黃金屋女伴春遊隊相逐百般異卉
競芳菲惱亂東風翠盈袖下山采得麝無薰不

許西家新婦聞只因誤拾落花片惹得游蜂窺
舞榭

刺繡曲

珠簾半揭閑瓊牖午夢乍醒如中酒薄命長悲
鸞鳳分錦中偏見兒鴛鴦偶絲線金針壓素絲春
葱十指無停時不如剪却冰綃斷莫看芙蓉連
理枝

香奩八咏

翠袖啼痕

背立綺窓垂繡幙暮寒凝碧蟬杉薄鉛粉澹消
頰髓香秋波暗結紅水落春雨梨花損玉顏石
華清褪東風殷血光幻作胭脂點妬殺黃陵筍
上斑

黛眉顰色

酣眠醉夢香魂熟起傍朱闌眉黛蹙
顰雙蛾鏤暮青暗交八字凝春綠晨妝
妝盡筆端工一
顰那知千恨重樓前烟罩相思柳較是
顰尖猶
未濃

月奩勻面

繡裳解出樂昌鏡掛鳳垂龍水月瑩薄粉輕朱
巧自調天桃酣照春塘淨窺粧拂拭香芬濛暈
腮暖纔吹東風菱花不匿可憐影天上羿姬羞
出宮

冰盆沐髮

五蘊七香澄瀲灩春流影裏雲雙扇瓊膏膩滑
浸溫泉閃閃鴉翎雨中見綰結青螺十二盤鳳
釵合股犀梳彎半偏高髻翠光薄巧成墜馬春

風鬟

繡牀凝思

越羅半幅濃春碧，懶動金針。停象尺，泥吟無語。
傍流蘇帳底，桃花愁脉脉。嬌眼膏騰刺不成，初
醒香夢未分明。怨紅粧，恨紫眉，稜重簾外落花啼。
書鴛

金錢卜歡

博山篆縷蘭烟散，輕擲青珠。問靈卜憂疑，未決
訴蒼蒼。斂手低聲更陳祝，喜占吉兆還繡幃。玉

繩催轉斂星稀象牀一夢猶未穩樓下嘶風郎
馬歸

香塵春迹

軟紅緩步香雲窟
余簾霧濕淩波襪半鈎斜露
玉纖纖曉痕踏碎桃花月
搖蕩東風作意吹隔
墻蜂蝶爭相隨
庭前印出金蓮影
笑比齊宮潘
玉兒

霜杵秋聲

吳剛斫桂冰輪皎
寒影臨階清不了
風前苦韻

轉參差霜下餘音猶縹緲隣家女兒關翠幃香
夢正熟驚初歸商飈颯香橫參斗天外一聲離
雁飛

陸沉金馬歌送林志尹之京

君不見見歲星謫下東方生滑稽至老遜其名全
身避世隱金馬卽今青史留芳聲好古傳書工
射覆公車奏上三千年牘詔拜爲郎侍漢宮殿中
賜食懷餘肉饑來索米向長安世路悠悠寄一
官酒酣據地歌激烈門前銅馬嘶風寒林生少

小牕章句壯歲懷書俱不遇
番老都門乞俸錢
疎狂却與東方似
閩南秋色滿長途
一劍橫行
遊帝都莫笑陸沉非
遠計千秋誰美飽侏儒

賦得習家池送屠田叔守辰州

君不見晉朝吏部山季倫
風流拜領征南軍
日夕創載出何許
節鎮襄陽長醉醺
習家荆土稱
豪族雅有園池富
花木接離倒着渾
不知騎馬
時時出林谷
酒徒偏喜狎高陽
酩酊揮鞭向葛
疆王威不振
群寇亂
義優游過醉鄉
生平僻

性惟耽酒池上沉酣輒濡首兒童歌罷笑不休
相逐攔街齊拍手使君今去守辰州竹馬爭迎
郭細侯此地經過堪駐節躊躇懷古續嬉遊堂
今皇朝四海一非如天下分崩日勸君有酒且
盡歡重問荒池尋舊習從茲卧治在辰溪學得
山公醉似泥後世何人修樂府西陽添作蹋銅
蹄

題陳仕卿蕉雨亭

幽人本是青山主愛種芭蕉聞夜雨翠葉參差

點點承綠苞陰翳聲聲貯遙隔寒窓響不停一
雙栩栩蝶初醒梳邊眉辨詩中景不許人間俗
客聽

仲冬望後屠田叔奉命入楚同社諸子買
舟追送余與玉生伯孺幼孺惟和共載
舟中携筆硯書畫之屬相對甚適玉生
作野航恰受兩三人畫意各以杜句爲
韻余得野字

寒霜一夜飄原野楓葉村村色俱赭萬壑千巖

水亂流江聲東去奔如馬野航恰受兩三人載
得芝山舊同社魚鳥滄洲物外交相看總是悠
悠者達旦連宵無雜言平章水石談風雅列置
圖書櫓舵前密藏樸棹船窓下茗碗香爐對筆
牀興來滿紙雲烟寫觸景題詩得意秋詞源似
決黃河瀉自託同舟有賞音詩成肯信知音寡
起坐船頭獨扣舷脫巾露髮形瀟灑日落日長江
一鏡平臨流戲取綸竿把清緣何處遂游閒雖
在扁舟如在舍金石歌聲破水雲自笑徐卿野

人也

送黃若木還家

君不見王文考賦得靈光休起草雄詞落筆若有神
翻使蔡邕才壓倒又不見補正平賦成鸚鵡傳芳聲
須臾文就不加點却令黃祖心魂驚二君作賦俱年少
贏得姓名青史照過客多興古殿思行人每向空洲吊
蒲陽黃君方妙齡誰家有子生寧馨七歲能文九歲賦
壺山蘭水鍾英靈十行一日俱能下七步八叉還倚馬
寥寥

玄草待何人拓落風塵知者寡今年躡屨無諸
城遠來訂我千秋盟自嗟馬齒五年長庸才碌
碌羞稱兄連牀風雨經旬日恨爾東歸馬蹄疾
一水盈盈會面難書空咄咄愁蕭瑟與爾論交
俱壯時歲寒共勉青松期文章意氣兩相許管
鮑相知徒爾爲

題盛行之畫梅卷爲林夷侯賦

宋廣平作梅賦色色風標托佳句范石湖著梅
譜種種精神寄村園玉態冰姿想像中難使寒

香通肺腑盛君行之工畫梅萬條鐵幹毫端裁
不煩春信早相報煞時全仗陰厓開一筆掃成
千萬葉披圖四座生寒色廣陵太守昔曾求峽
水林生今拾得暗香浮動影橫斜何郎官閣休
相誇更兼題咏各名筆爭言此物堪傳家吾聞
古有廉宣仲專寫墨梅聲價重又有楊補之千
金難買圖中枝盛君筆法真古健却與一老爭
雄雌墨花濃酒驚人目無數繁香生卷軸千古
珍藏若箇宜賞心自有林君復

題朱竹

祝融峰下龍孫夥幻出琅玕赤如火瓊幹都經
絳雪凝粉痕盡爲彤雲鎖秦樓女兒截作簫吹
將赤鳳來丹霄東風零落拂細葉恍佛武陵紅
雨飄天寒日暮佳人倚翠袖籠寒緒光裏朱鳥
窓前絳節移石家槌碎珊瑚枝

宗思兼先生向爲余作山水小幅揮酒未
完以病目奪去未幾先生往矣偶檢敝
篋捉筆足成一幀歌以紀之畫作于丁

亥之歲迄今十有一載矣

吾鄉先輩宗少府畫法精工善摹古董源體格
啟南家變化天然誰與伍昔年爲我作此圖與
來水墨縱橫全巖巒結構尚草率竹木點染猶
饒饒雙眸老去看無力兩月空花難辨色十年
筆硯委塵埃終恨此圖完未得伊余少小弄丹青
曾以繪妙師先生河山已邈酒壚遠披圖無限
西州情妄將已意補不足狗尾深慚向貂續
小技那堪繼虎頭至寶翻令混魚目兔穎閒中

信手拈補完位置亦森嚴後人賞鑒辨優劣惡處應知是我添

玉主行

有引

林內卿福清人生平倜儻好遊俠邪遇當意揮千金不顧劉姬鳳臺者年十五有聲教坊貴游爭慕之姬不與狎一見內卿雖甚托以終身內卿破數百金納爲妾久之內卿遊吳越間道聞姬死慟哭幾絕疾馳抵燕日夜哀痛刻玉爲主提携不去左右爲賦長短句題

玉上曰入時倒郎懷出時對郎面隨郎南北
復東西芳草天涯堪遶徧勝寫丹青圖勝妝
水月殿玉魄與香魂都在此一片願作巫山
枕畔雲願作盧家梁上燕莫似生前輕別離
教人看作班妃扇歲丁酉丙卿去燕復游西
粵僦舟東下爲舟人陳亞三所殺沉其屍于
江掠其貲以去蒼梧林司李丙卿友也半夜
忽見婦人稱冤狀因呼邏卒嚴捕禦人者卒
搜亞三索得玉主司理大驚窮索餘黨伏辜

求得屍顏面如生肌肉不損觀者異之葉太
史傳其事余爲作玉主行

燕山幻出蛾眉質翠羽鳴璫金屈膝就中百萬
倚門倡若箇輕盈稱第一傾城少女長劉家十
五妖嬈未破瓜到處名姬羞粉黛一時住冶避
鉛華櫻唇半啓飄金縷百轉嬌喉鶯乍乳間拂
朱絃奏鳳皇時拋紅豆調鸚鵡對客閒參湖上
禪桃花重製蜀中牋芙蓉學繡相思枕榆筴羞
看買笑錢五陵俠客紛無數爭進千金求一顧

妾貌雖同解語花妾心已作沾泥絮風流闕海
說林郎年少曾登游冶場黃金盡買纏頭錦
贏得聲名遍教坊明珠欲換娉婷女金谷園中貯
歌舞滿眼無人荷日成劉姬一見心相許結束
蹀然出俠邪九枝銀燭七香車鴛鴦忽比雙飛
翼茵蔯俄開並蒂花珊瑚寶玦流蘇帳蜀錦紫
絲繁步幃占斷春風歲復年秦箏趙瑟協相傍
可憐行樂在須臾夫婿長遊入五湖膏沐懶施
雲雲髮亂空牀獨守夜燈孤春花秋月無情去誤

妾佳期等閒度婉意柔情孰與伸
千愁萬恨憑誰訴
明河耿耿路迢迢望絕音書嘆
寂寥紅顏每於愁處損朱顏
多向暗中凋思君不見令人
老柳葉雙眉書慵掃香魂渺渺
落黃泉玉骨累累瘞芳草人傳
消息五湖西夫婿傷情掩面啼
碧沼遊魚垂比目雕梁飛燕失
雙棲哀絃聲斷絲難續死別生
離成一哭沈思無計表深情售
得連城舊明玉磨礱朗潤復輝
光賦得悲哀句短長中間自鏤
芳卿字未下金刀先斷腸錦囊

裝貯殷勤記鎮日重重牢繫臂東西南北但隨身旦夕何曾暫相離携向蒼梧萬里遊逢人開取淚先流鵬鴣叫月悲長夜蛤蚧鳴風感素秋江頭忽遇探丸客化作江鷓歸不得黃昏野魅泣精靈暮雨遊燐啼怨魄玉主漂零何處歸芳魂長繞粵江飛夜臺飲恨重相見朽骨含冤事已非蒼梧司理眠官閣忽覩仙姬來綽約含怨含憂若有詞半羞半怯如相託索索陰風毛骨寒分明環珮韻珊珊漸聽嗚咽聲初遠起視星

河漏欲殘心知非幻仍非夢定有幽魂抱深痛
綠線縫裙獲緒衣驟看玉主神驚動由來此物
屬林郎刻玉題詩爲悼亡珍藏久識依懷袖流
落何因在異鄉傷心細向公庭鞠舊鬼哀呼新
鬼哭始覺孤身入虎牙更悲俠骨填魚腹詎信
蛟龍不忍吞隨波逐浪幾朝昏千秋重閱曹肝
事九辨難招屈子魂吁嗟此事何奇絕名姓從
茲播西粵真迴白日照重泉果有嚴霜飛六月
片玉堪將恩遇酬死生肝膽在紅樓方知白壁

能伸恨不獨青萍解報舊

題水明樓贈幼孺

縹緲危樓僅盈咫樓下池光清瀾瀾曲檻時收
蓼葉風八窓倒映桃花水開門長日見漣漪佳
景從來無不宜更待四更山吐月與君相對再
題詩

水明樓聽雨短歌

池上小樓高幾許風滿樓中山欲雨昏黑應從
頂上來八窓頃刻烟如縷淋漓長日滴聲聲流

入春池漲漸平幾陣廉纖幾番歇池水愈清樓
愈明千巖萬壑傾如注共看嵐光變朝暮紛紛
殘絮貼泥深片片落花隨水去任從簷外響瀟
瀟剪燭談心是此宵不比黃昏人靜後閉門孤
坐聽芭蕉

賦得霞林樵隱贈梁逸人

幽人結屋壺山下自號山中一樵者廿載逃名
隱密林高霞出洞明如赭無事林間日日看千
重錦繡百重丹秋來製服青堪剪日午烹飪碧

可餐有時持斧重林人丁丁劈破桃花色
肩上携歸一抹紅柯邊帶得餘標赤
樵蘇到處愜幽尋野性愛霞還愛林
買臣不作王質遠末俗幾人知此心
東家有客親耕牧西舍爲漁釣溪曲
何如樵採負薪行獨把詩書擔頭讀
棲隱霞林道自尊暫將黑髮賣丘園
山中自得清高趣莫是梁鴻異代孫

和幼孺美人買鐵馬歌

流蘇寶蓋牽紅線絡出明璫三五片
裝成鐵馬

結丁東嫋嫋清音滿庭院相憂無端忽自鳴能
調律呂響琮琤夜分誰到房櫳下應是風吹斷
續聲佳人獨聽深閨內淒清簾幙誰相對頭上
頻疑落步搔耳中但覺添環珮月上梨花深掩
門聲聲魂斷向黃昏何當增得千金價并買黃
昏不斷魂

題墨竹

陳玄口喫蒼筤節金錯雙刀變寒鐺渭川黝龍
蟠老根嶰谷熏乳蜚枯葉碧烟翠靄紛離披蔡

邕不辨柯亭枝玄天青鳥降瑤闕樓向此君應
莫知錦棚盡染裴弘血穿破劫灰前代色漢江
雨泣數峰青望斷湘靈怨魂黑

短歌寄幼孺

少年譚藝從君遊相將大雅雄閩州吾兄吟魂
落九地寥寥此道誰講求惟君造語實我輩襟
期風調真吾儔心思鑿破混沌竅筆氣沛決江
河流君今貧病吟啾啾我爲旅食嗟淹留總緣
方寸奪天巧半生落拓招窮愁勸君從今吟莫

休百年世事空悠悠
君不見昔時貴盛豪華客
墟墓累累松栢秋

題邊文進荔枝鸚鵡

國初景昭邊待詔
筆底丹青入神妙
折枝花果儼如生
設色珍禽無不肖
名在人間二百秋
斷金殘粉世爭求
俗工往往摹贗本
遂令至寶終難收
伊余偶作沙陽客
真筆寥寥求未得
忽看遺跡色蒼然
縑素周圍方一尺
荔枝顆顆耀紅
酣更有鸚鵡棲其間
絳囊翠葉卽閩嶺
朱喙碧

瞻疑隴山南風獨向枝頭啄銀灰生擒開紫殼
舌巧何論織柳鶯性靈不數巢松鶴喚人每着
綠衣裳驚斷香魂十八娘只貪飽食戀炎海那
肯飛鳴歸故鄉邊鸞本自工毫素兼學崇龜圖
錦樹忠惠何須譜上修正平豈用筵前賦粉墨
將淪尚有神印文雖滅辨猶真精工儘可供欣
賞呂紀林良安足倫

林夷侯出其先大父松聲樓卷索題其後
幽人卜隱臨西峽種得喬松翠相接謾謾常鳴

萬壑風蒼蒼每傲千尋雪小樓高結松之間日
長欹枕聽潺湲愛同弘景北窓靜撫似淵明三
徑間何期人事相更代樓已成墟松絕籟當年
詩賦滿縑緗留得名公墨痕在客來吟咏幾番
清舌端隱隱聞松聲諸孫感舊披圖看猶起淒
涼風木情

結交行

人言結交難誰知結交易結交肯以類相從何
患中途頓拋棄貴客羞同賤士親富人懶與貧

兒契高車駟馬耀鄉閭梁竇貴介爭奔趨舊時
肝膽山林友轉盼視之成越胡陳紅朽貫雄州
里程陶富室爭依倚生平窮困幾朋儕反面看
之冷於水勸君以類結知交更無同異輕相嘲
君不見雷陳交誼重意氣千古人傳如漆膠

題魏山人畫梅

我生之初在庾嶺嶺上梅花富千頃莫是花神
暫托生骨相清癯類疎影比年兩度遊西湖孤
山深處懷林逋麻衣草屨踏晴雪林下尋詩騎

蹇驢吾鄉藤山梅更好歲歲寒芳占春早去冬
約客次幽探鍊幹銅柯耐霜老愛梅有癖誰能
知清緣却與梅相宜消魂不獨見生動卽對畫
意同瑤枝魏君此幅筆力古傳神數點皆成譜
山窓手展幾回看朔氣蕭森滿蓬戶

羅浮山歌送陳汝翔之惠州

吾聞神州赤縣三十六洞天羅浮雄峙炎海邊
崔嵬去地三千六百丈上摩霄漢凌星躔中間
峰巒洞壑那可數往往異人得道皆昇仙仙靈

窟宅真奇險傳者姓葛真人名釋川朱明洞口
赤如日煉成丹氣生紅烟羽衣着破掛絳樹化
作彩蝶飛翩躚巖頭駐物無不有常見猛虎相
盤旋夜深窺竈竊靈藥忽然啞口縮舌伺守丹
門前夫妻兩兩此修煉鮑姑遺履飛雲巔金鵝
玉葢初出土時時洗濯流寒泉至于葛洪尸解
向瑤圃衣冠塋空塚野草長芊芊山中境界歷
不盡何方好奇之客遊能全陳生雅負山水癖
道心欲結神仙緣芒鞋草屨九節杖飄然直至

番禺煥夜聞鈞天奏廣樂會真降頂聲喧闕鍊
橋高處極遐矚只見羅山浮前嶽土相勾連淡
妝素服來彷彿美人梅下開瓊筵玉漿一飲動
百石此去豈愁無酒錢隣予學道志空堅困守
紅爐烹汞鉛尋真有約意未遂尚子更爲婚嫁
牽聞君汗漫得至樂不能作伴心茫然丹書數
卷酒數盞閉門且對梅花眠閉門且對梅花眠
爲鄭吉甫題風木遐思圖

擁鎌被褐吞聲哭孝子道傍感風木含悲橋死

不忘親尼父逡巡避車轂
臯魚懿行古來無千載人傳
風木圖鄭君徇祿親弗待遐思
慘切雙眸枯空林蕭瑟西風苦
號慟呼天更呼父他日焚麻責
九泉今朝違養孤三釜腸斷慈
烏夜叫時劬勞應歷歷我詩哀
來拭淚披圖看聊當招魂薤露
辭

陸兒戲以墨筆蘸入水中取扇面
拖作山水儼如點蒼石屏因作短
歌題之

痴兒噴水戲噴墨幻出山川勢
奇特混沌真同

太古形鴻濛自有天然色不須濡筆巧成文就
中磅礴尤氤氲遠看却似龍嘘霧近對還疑蜃
吐雲濁分地下清天上色與點蒼無兩樣化工
不比畫工庸一片齊紈當屏幃

從王元直乞新茶

聞君近自吳門返橐裏春茶載將滿雨前苦蕾
發清香半是天池虎丘產徐生嗜茶常欲狂數
甌一飲澆枯腸武夷清源啜不飽更尋他地真
旗槍作詩從君乞幾兩活火親烹雪烹瀉響松間

獨坐還獨傾使我病夫神骨爽我家葬茗菴頗
多客畏水厄無奈何倘能相過吸七碗請君同
賦園茶歌

古蕉行

建州太師東楊公四朝作相功勳崇特祠血食
二百載至今凜凜生英風祠中蕉樹形色古美
陰東西覆廊廡石縫蟠根傲雪霜闌邊舒葉驚
風雨由來此物少槎枒年深幹老爭盤拏蒼鱗
屈曲龍腰斷翠羽紛披鳳尾斜皮堅如鐵葉如

石傍枝儼似群虬蟄松間過客蕭蕭香屢闕玄
孫幾頭白我來再拜開國臣忽看帷樹雄南閩
攀緣自合無鼪鼠呵護真疑有鬼神君不見孔
明廟前之古栢蔽日千霄剝千尺若非曾受少
陵題萬古更誰人識得

題竹鶴老人山水

古來潑墨成山水宋代襄陽推二米雲中烟樹
雨邊山咫尺峰巒若千里國朝學米無幾人吾
鄉漫士稱絕倫竹鶴老人踵其後揮毫點染尤

精神此圖氣韻果秀逸正是何家老人筆巴山
夜雨忽淋漓湘浦秋風更蕭瑟伊余喜作無聲
詩空費一斗真險縻始信古人不可及愧說前
身應畫師

朗初上人以沈嘉則豐對樓詩集見貽讀
而有作

沈公往歲遊閩中我尚乳口爲兒童束髮受書
稍識字誦詩便已懷高風越閩相隔幾千里歎
息無緣執鞭弭屠楊相繼宦榕城稱述風流滿

人耳今年我有甬東遊公已登仙歷五秋恨金
生晚公亡早空見纍纍土一丘身後嘉名真不
朽留得遺篇萬餘首小院方爲帝者師殷青近
屬羊城守五井山僧公故知忽貽豐對樓中詩
披翻數日尚未了使我心曠還神怡地產英靈
有如此白頭不得紵青紫已成大業垂千秋落
魄何慙布衣死四明山色高嵒峩我來投分英
雄多哲人萎矣梁木壞生不同時愁奈何

出甬東還閩留別楊憲使楚亭先生

伊余學劍學書俱不成託身屠狗埋其名諸侯
禮士風漸靡長裾未敢遊公卿屈首蓬蒿嘆微
賤人生易老如飛電棄餘官蒯幾人收髮後焦
桐誰與辨以茲高卧空山雲世事悠悠何足云
長歌却恨天地窄買絲欲繡平原君幸逢當代
楊夫子綬綰銀魚前太史北海頻登元禮牀仲
宣輒倒中郎屣閩南三載奉周旋餉客時時割
俸錢感恩知己兩相重貧身報稱知何年雪中
忽艤山陰棹天姥雲門獨臨眺平泉花木春追

陪綠野烟霞共吟嘯春明興盡思故山飄然一
騎歸閭關酒醒回首四明道柳花風冷吹離顏
公今譽望齊山斗栢府能容布衣叟東海泱泱
乏大風欲附青雲名不朽嗚呼欲附青雲名不
朽相如賦就公知否

車壩行

鄞江人日飛春雪客子遠遊經越絕滿天烟浪
夜行船車壩艱危苦難說水勢滔滔本向東疏
鑿盡言神禹功何因此處各置壩閘之不使洪

流通砌石截流江水注莫是禹功未神處牽船上石如上天百夫力挽聲喧闐路狹船多競先渡後船落後那能先長年秉炬紛紛起夜午但行三十里壩夫竹纜繫船梢一刻僅能車一咫推將桂棹近洪波走落前江只煞那客魂蓬底驚初斷公也胡爲輕渡河渡河誠不易西壩才過中壩至前頭更有下江船但見烟中人語沸千人爭渡誰人強搏擊雄心如虎狼船燈各署公卿府不顧同生桑梓鄉須臾乘風到東

關小舸大艍停石縛依舊從前不得行兩朝始
達梁湖下吁嗟閩人行路愁上灘灘雖難上舟
行寬若將車壩輟辛苦此地真同蜀道難

婺州客舍懷薛晦叔

昔年送君遊婺州我正高卧居林丘君家大阮
秉節鉞時有驛使爲書郵今年我作婺州客君
乃讀書守林澤傳舍漂零負劬緼那得魚鴻到
鄉邑天涯無處寄殷勤此地經過倍憶君歸夢
夜飛梨嶺月客心春斷蘭溪雲與君論交將十

載彼此中間半湖海義馭難留日月催東風殘
廢朱顏改倦遊我亦畏他鄉回首關山先斷腸
辛夷花發春光暮期爾同浮大白觴

洞庭湖

吾聞靈鼇簸浪扶輿裂劃斷荆吳地維折洞庭
湖影拍天高雲夢湘沅衆流接馮夷擊鼓不敢
趨天吳昂首呼鳴鳴狂飈颭沓波震怒上善汪
洋雄楚都別開巨浸八百里萬古空濛此湖水
短艦長艘南北分茫茫不辨乾坤裏八月涵虛

混太清驚濤直撼岳陽城懷川襄陵那足數影
蠡潮潮徙空名極日湖光真浩淼君山一點青
螺小雲掩層巒月映波鏡中畫出蛾眉巧楚天
空闊帶滄溟蘭芷蒼蒼葭蒹青浦北明珠投漢
女夜深瑤瑟起湘靈三閭昔日稱忠諫鼓枻爲
漁遠投空底蔽明譏詔重離憂惟悴行吟洞庭畔
此夕扁舟一葉輕垂綸徒有羨魚情月明長揖
個人過靜聽遙空鎖笛聲

終隱集卷之七終